

**815** Der wirt des lachte sêre  
unt Anfortas noch mère.  
»kanstu sus touf enpfâhen«,  
sprach der wirt, »ich wil si nâhen  
5 durch rehten touf in dîn gebot.  
Jupitern, dînen got,  
muostû durch si verliesen  
unt Secundillen verkiesen.  
morgen vruo gib ich dir rât,  
10 der vuoge an dîme gewerbe hât.«  
Anfortas vor siechheit zît  
sînen pris gemachet hete wît  
mit rîterschaft durch minne.  
an sînes herzen sinne  
15 was güete unt mildecheit;  
sîn hant och manegen pris erstreit.  
Dâ sâzen dem Grâle bî  
der aller besten rîter drî,  
die dô der schilde pfâgen,  
20 wande si getorstenz wâgen.  
welt ir, si haben dâ geâz genuoc.  
mit zuht man von in allen truoc  
taveln, tischlachen.  
mit dienstfîchen sachen  
25 nigen al diu juncvróuwelîn.  
Feirefiz Anschevin  
sach si von im kêren;  
daz begunde im trûren mîren.  
sînes herzen slôz truoc dan den Grâl.  
30 urloup gab in Parzival.

»ich sol si \*G  
in sîn g. \*T  
dir den rât, \*T (I)  
het sô wît ↓\*G (nur GI) (\*T)  
mit r. nâch m. \*T (Z)  
si (siz Z) getorsten \*G (ohne L)  
si hânt dâ (habent I) \*G \*T  
zühten \*G \*T  
t. und tischelachen. \*T (I)

n. (Vigen U) al diu magedîn (menegin U). \*T

\*D: D \*m: m V \*G: G I L Z \*T: U

**1** Initiale D m V G I L Z U    **17** Initiale I · Majuskel D

2 noch] noch dô \*m    7 muostû] mîste D    12 Het sinen pris gemachet wit L · Sinen pris het gemachet wit Z    18 rîter] om. \*m (nur m)    21 haben] habent (habt V) \*m    23 taveln und tischlachen. \*m    30 in] in dô \*m